

13. Ասատ-բեկն խոտատեղի ունի մեր սարհատիցն (սահմանիցն) բավական միջոցավ հեռու՝ Շուշվո քաղաքին մոտ, նրա խոտն հարել տալուց հետո ուրիշի ձեռքով՝ մեղանից 50 ուլախ մեր մարդովն տանում է ու կրել տալիս Շուշի քաղաքն, հացն ու ամեն բանն մեղանից:

14. Ամեն տարի Ասատ-բեկի քալուզ (ղրամուլոր) հարկն հավաքելիս ժամանակն 30 մանեթ Ասատ-բեկի դարդան կառնն յիւր համար և 16 մանեթ Միրզա-Հյուսեյինն՝ ոչ թե սովորական հարկի պես, այլ զոռով:

15. Այս երկու անձանց առաջինն ի տարին միշտ և երկրորդն երբեմն երբեմն կմնար մեր գյուղումն, նրանց հացն, ճուտն, արաղն, որ կիսմե միշտ երկրորդն ի նոցուց, բրինձն և ձիանուն գարին և դարմանն մեղանից կառնեն նմանապես և քնելի շորն նոցա կտանք:

16. Ամեն տարի մեղանից տասն հատ ոչխար կառնե Ասատ-բեկն զոռով:

17. Անցյալ 1849 թվականումն Ասատ-բեկի մահասիլ Կյուլափլու Մուստաֆան մեկ քանի ամիս մնաց մեր շինումն և մեղանից 56 մանեթ փող առավ իղուր և զոռով, բացի յուրյան հացիցն ու քացիցն:

18. Մեկ տարի կա որ Ասատ-բեկն 2 շուն է պահել տալիս մեր շէնումն, նրանց օրն 6 ֆունտ հաց է տալիս մեղանից և մածուն ու կաթն:

19. Որովհետև անցյալ 1849 թվումն մեր եզներն իբրև 100 հատ և 50 մարդ Ուեզդնի նաչալնիկին ուղարկեց մինգրելսկիյ եգերսկիյ պոլկի շտաբն բանացնելու համար և 20 օր ուշացան այնտեղ, վասն որո բարեպատեհ ժամանակն անցնելով, չը կարողացանք մեք, որ ինչպես հարկն է, ցիլ անէլ կամ գութան քշել, նույնպես և չկարողացանք Ասատ-բեկի համար, որ ամեն տարի մեզ անիրավությամբ ցլէլ կը տայր 30 գութանով, ցլէլ կամ գութանէլ յուր հարմար ժամանակին, այլ միայն ամառն ժամանակին ցլէցիմք, բայց Ասատ-բեկն չհավանեց այն ցլիմ և վարել կամ ցանել տվավ, ուստի այս պատճառովս մեղանից 50 չեթվերթ ցորյան է պահանջում այս տարի նրան ավագն (փոխարեն):

Այնուհետև գյուղացիք մեկ-մեկ թվում են. թե ինչքան ավելորդ ցորեն և գարի, դրամ իր օգտին և պետության զանձարանին հանձնելու համար գինի է Ասատ-բեկը իրենցից վերցնում:

Ըստ էության խանական ժամանակից այս մնացորդ կարգերը պահպանվում էին մինչև 1860-ական թվականների սկզբները: 1861 թ. դեկտեմբերի 13-ի օրենքով կացությունը հիմնովին փոխվեց¹³: Նոր կարգադրությունը թողնելով անխախտ գյուղացիների նախկին պարտավորությունները՝ այդ պարտավորությունների կատարման հսկողությունը, մալուշահաթի հավաքումն և հողատերերին հանձնումը, գյուղի սահմանում ապահովության պահպանումը, հանցանքների քննությունը, դատական իրավունքները խլեց հողատերերից և տվավ գյուղական համայնքի կողմից ընտրված տաճուտէրներին և դատարանին, մի մասն էլ գավառամասի զասեղատեղներին: Այսպիսով վերջնականապես մեղիքները և բեկերը ճանաչվեցին սոսկ միայն հողատերեր:

Այնուամենայնիվ ֆեոդալական տուրքերը պահպանվեցին տեղ-տեղ բավական երկար ժամանակ: Այսպես, Օրբելյանները մինչև XX դ. սկզբները պահանջաբար տոն օրերին ստանում էին նվերներ իրենց Տաթև և Սվարանց գյուղերի բնակիչներից և դժգոհ էին իրենց երրորդ գյուղի՝ Լորի բնակիչներից՝ ռհաթներից, որոնք օգտվելով իրենց գյուղի հեռավորությունից՝ խույս էին տա-

¹³ «Второе полное Собрание законов», т. XXXVI, № 37743.